



CONCELLO DE ORDES

(A CORUÑA)

BASES REGULADORAS DA CONVOCATORIA DO CONCURSO DE DISFRACES DO ENTROIDO DE ORDES 2020

I.- OBXECTO DO CONCURSO

É obxecto destas bases regular a convocatoria pública polo Concello de Ordes do Concurso de Disfraces do Entroido de Ordes 2020.

II.- FINANCIAMENTO

Os premios deste concurso por un importe total de 4405€ son patrocinados na súa totalidade por dúas entidades privadas: Reale Seguros e Jaime Castro. Asesoría – seguros.

III.- PARTICIPANTES. CATEGORÍAS.

Poderán participar no concurso todas as persoas interesadas, de forma individual ou en grupo, nas categorías seguintes:

CARROZA: Estrutura cunha superficie non superior a 7,00 m longo, 3,50 ancho e 4,00 alto, sen que exista límite de idade ou número para os seus integrantes.

En todo caso se a organización considera que aqueles/as que se apuntaran coma carroza non reúnen os requisitos, queda facultada para excluír do desfile ou cambiar a súa categoría.

COMPARSAS: Grupo integrado por máis de cinco compoñentes que non entren na categoría de carrozas (aínda que leven como complemento algún vehículo para a megafonía).

- Adultos/as (maiores de 16 anos)
- Infantís (ata 16 anos)

INDIVIDUAIS: ata un máximo de cinco persoas.

- Adultos/ as (maiores de 16 anos)
- Infantís (ata 16 anos)

IV.- PREMIOS (NON SERÁN ACUMULATIVOS).

Os/as gañadores/as do concurso en cada unha das categorías e subcategorías obterán os premios seguintes:

CARROZAS:

- 1º premio: 600,00 euros.
- 2º premio: 400,00 euros.

COMPARSAS:

- Adultos/as:
 - 1º premio: 400,00 euros.
 - 2º premio: 300,00 euros.
 - 3º premio: 200,00 euros.
- Infantís:
 - 1º premio: 225,00 euros.
 - 2º premio: 175,00 euros.
 - 3º premio: 135,00 euros.

INDIVIDUAIS:

- Adultos/as:
 - 1º premio: 170,00 euros.
 - 2º premio: 120,00 euros.
 - 3º premio: 90,00 euros.



CONCELLO DE ORDES

(A CORUÑA)

- Infantís:
1º premio: 100,00 euros.
2º premio: 80,00 euros.
3º premio: 60,00 euros.

PREMIO SIMPATÍA: 150,00 euros.

PREMIO ESPECIAL DO CONCELLO DE ORDES Á MELLOR COMPARSA MUNICIPAL: 200,00 euros.

PREMIOS LOCAIS DO CONCELLO DE ORDES POR UN IMPORTE TOTAL DE 1000€: o xurado do concurso queda facultado para distribuír estes accésits segundo considere necesario e reservándose o dereito a declarar desertos os premios que considere oportuno por non acadar a calidade ou a participación suficiente.

V.- INSCRICIÓN

Prazo:

- Ata o 24 de febreiro inclusive, por rexistro de entrada no concello de Ordes. (Deberá especificar o nome do disfrace, comparsa ou carroza, número de persoas que participan, se é infantil ou adultos/as, categoría na que participa, lugar de procedencia, persoa de contacto e un teléfono e correo electrónico. No caso das carrozas deberán indicar tamén as medidas desta, ancho, alto e longo).

-As persoas que queiran traer acompañamento musical o día do concurso, deberán facer chegar obrigatoriamente nese mesmo prazo a música en formato MP3 ao correo: **informatica@ordes.gal**

VI-ENTREGA DE DORSAIS

-Todas as persoas participantes deberán recoller un dorsal o día do concurso das 15:30-16:30 h na Avenida Alfonso Senra, á altura co cruce da rúa Casabella na mesa habilitada pola organización a tal efecto. Posteriormente, ás 17 h desfilarase polo pobo. Será obrigatorio participar no desfile para poder participar no concurso.

VII.- XURADO

O concurso de disfraces será resolto por un xurado integrado por 3 membros designados polo Alcalde-Presidente.

Actuará como Secretaria a técnica en xestión cultural da Mancomunidade de Ordes.

O xurado terá liberdade para establecer as súas cualificacións, sendo os criterios a valorar os seguintes:

- A orixinalidade e vistosidade no disfrace elixido.
- O esforzo no traballo realizado.
- A posta en escena cunha duración máxima de 3 minutos.
- A montaxe, a elaboración e os materiais empregados.
- O humor, ...

O persoal da organización e o xurado do concurso quedan facultados para excluír do desfile ou cambiar o seu posto da orde, a calquera elemento das comparsas que se considere perigoso (animais de todo tipo, petardos, bengalas...), co obxecto de garantir a seguridade dos demais participantes e do público asistente.

Ante condicións climatolóxicas adversas a organización intentará comunicar telefonicamente a todas as persoas participantes o cambio de localización do concurso para as instalación do pavillón Castelao I.

VIII.- RESOLUCIÓN DO CONCURSO

A resolución do concurso realizarase tras unha reunión previa do xurado o día 29 de febreiro de 2020 e a valoración dos/das participantes en cada unha das categorías, reflectíndose o resultado nunha acta levantada para o efecto.

IX.- ENTREGA DE PREMIOS



CONCELLO DE ORDES

(A CORUÑA)

Finalizado o concurso entregarase un diploma a cada un/unha dos/das gañadores/as, ingresándose o premio en metálico na conta bancaria sinalada polo gañador/a.

X-TEMPO DE ACTUACION


-O tempo máximo de cada actuación é de **3 minutos**. As persoas participantes deberán axustarse obrigatoriamente a este tempo.

DISPOSICIÓN FINAL

A participación no concurso supón o coñecemento do contido das presentes bases e a súa aceptación expresa, sen ningunha reserva.

Ordes, 15 de xaneiro de 2020

O Alcalde-Presidente



José Luis Martínez Sanjurjo